

Održana 40. konferencija uprava za geodetske poslove i kartografiju Austrije, Bosne i Hercegovine, Hrvatske, Češke, Friuli-Venezia Giulia, Mađarske, Slovačke, Slovenije, Trentina i Južnog Tirola

11.06.2025 17:06



Od 4. do 6. juna 2025. godine u Bolzanu, Italija, održana je 40. konferencija uprava za geodetske poslove i kartografiju Austrije, Bosne i Hercegovine, Hrvatske, Češke, Friuli-Venezia Giulia, Mađarske, Slovačke, Slovenije, Trentina i Južnog Tirola. Glavna tema ovogodišnjeg skupa bila je uloga katastra u budućem 3D interdisciplinarnom i integrisanom javnom GIS-u.

Tokom konferencije predstavljena su praktična iskustva u uspostavi 3D katastra zgrada i drugih 3D prostornih podataka koje prikuplja katastar. Naglašeni su specifični problemi, izazovi i rješenja vezana uz 3D podatke, te je kroz razmjenu iskustava s regionalnim geodetskim upravama prikazano trenutno stanje i smjer daljnjeg razvoja u prikupljanju tih podataka.

Predstavnici Federalne uprave za geodetske i imovinsko-pravne poslove (FGU), inspektor za osnovne geodetske radove gosp. Valentino Vlašić i prof. dr. Slobodanka Ključanin, stručni savjetnik za kartografiju, izložili su iskustva i rješenja FGU u području 3D prikaza podataka na planovima i drugim geodetskim podlogama, kao i dijeljenje podataka putem web servisa.